

書



姑溪居士後集卷之一目錄

古賦

夢遊覽輝亭賦

古詩  
七言

晚過王晉卿第移坐池上松杪凌霄爛開

題王子重出李成所畫山水

觀子重鐘隱鷄鷹圖就借傳本

次韻胡希聖登毘陵東山亭

送李仲益赴豪梁司戶

閩僧饋紅糟炒笋





胡希聖在毘陵有詩私送比過山陽復以其韻送之  
登鶴雀樓

送鄭彥莊

晚過汴堤始見春色次夜與蔡彥規鄭希仁同飲進奏  
官舍

送俞叔通歸四明

次韻孔經甫題史氏競秀堂

蕙江祥瑛上人能書自以為未工又能詩而求予詩甚  
勤予以為非所當病也為賦一絕勉之使進于道云

姑溪居士後集卷之一目錄

姑溪居士後集卷一

趙郡李之儀端叔

古賦

夢遊覽輝亭賦

露下木落天宇澄徹日欲傾頽蟬方淒咽姑溪居士杖筇步屨  
臨階之絕顧視節物推遷歲月感覽輝之昔游詠生塵之羅襪  
恂恍差池躊躇騷屑御者不進將誰與說既鵠立且怡疑株  
拘之無別已而人斷風休月出雲裂繁星不能蔽其光萬籟于  
此號其穴茲欲遣而不暇益百糾而千結于是解衣就枕寤寐  
總分紅舒綠卷蘭郁麝薰更笑語于鶯燕襲環珮于烟雲恨秀



絕之不與方展轉而疑魂忽若星墜倏如鳶停拊背籍呂相款  
極情柔而見文謂予之約何爽叩予之寔弥勤顧倚玉之未及  
俄司晨之遽聞嗚呼夢邪覺邪則亦莫知其然哉今已非是昔  
安可追懲夢幻于逐物割眈網于頑癡庶幾夢覺與今昔不能  
俯仰于群迷

古詩 七言

晚過王晉卿第移坐池上松杪凌霄爛開

清風習習醒毛骨華屋高明占城北胡床偶伴庾江州萬蓋搖  
香俯澄碧陰森老樹藤千尺刻桷雕楹初未識忽傳綉障半天  
來舉頭不是人間色方疑絢塔燈焰燿更覺麗天星的歷此時  
遙望若神仙結綺臨春猶可憶裴回欲去輒不忍百種形容空  
嘆息亂點金鈿翠被張主人此况真難得

題王子重出李成所畫山水

主人邀我登閑軒軒前景物祇欠山坐來慘澹若不足引我忽  
到營丘間營丘山水天下知全齊十二雄一時舊遊歷歷如到  
眼吾宗筆力窮高低峯雲巖靄互隱現老木蒼藤紛綵絢瓏璵  
特幹勢將壓奇崛欲夸人未見石磴流泉似幽壑洞穴縱橫乍  
明滅舉頭樓觀俯懸崖定須六月臨飛雪行人初踏山前路款  
段衝寒怯回顧蹇驢亦自樂平地躡耳徐行方得趣日西平遠  
連何處極目蒼茫天欲暮行人端是我前身斗覺精神相會聚



百年瞬息竟誰真此老應無一點塵主人等是風塵外豈是閑  
軒久住人子重家有閑軒

觀子重鐘隱鷄鷹圖就借傳本畫乃文康舊物

千年老木根半拔叉牙枯枝開金鐵蒼鷹見鷄豈復捨伺隙必  
拏將雷掣鷄知不免怖且死銅觜窺鷹反噪聒陰風慘々天為  
改殺氣憑陵欲翻海畫工已證三昧因造化精神智能采江南  
山水多異人遁迹往往隨風塵等閑應現非一化沆落終為絕  
世珍王公盛德天下歸想見乾興天聖時進賢退佞乃所嗜不  
使異趣侵毫釐喻公為鷹固不可排擊奸邪力尤果開圖凜々  
毛髮驚滯蔚頓攄如破鎖公孫勝致有餘風十年淨土常相同

擬借傳摹應見從意欲因畫時見公

次韻胡希聖登毘陵東山亭

君不見狐裘相齊望前古後日執鞭固欣慕烟雲得趣更飄蕭  
常使高人恨無路闌干凜凜擅空濶寒日低回得循步朱輪想  
見不可從南國小棠疑未去百年暴輝寔之賓俯盛仰哀情易  
新孤懷直欲共傾倒衣上元無一點塵又不見三千珠履春申  
君十年天祿揚子雲極目平原草紫骨秋月春風愁殺人五湖  
歸去辨之蚤擊鼓撞鐘猶恨少險語緩絲一劍休九衢相視空  
草々荆州萬里控上沅歌舞翻風甚飛鳥回首蒼梧隔暮雲南  
狩不歸何可叫解后相逢情更親芻狗疇能誇已陳欲書醉語



致多感好事今無載酒人班班微陽度密竹噴：寒雀喧荒榛  
韋郎所紀十無一安得遺老酬認詢蹭蹬難堪隨末俗健論愛  
君如剪竹寧人負我無負人吐吐老瞞徒四目直絃易斷曲未  
終鳳髓難容斷誰續白首胡君到孤獨在何分金齋鮑叔

送李仲益赴豪梁司戶

炯然五府不受塵深山大澤猛虎蹲豫章千尺若可抉滄溟萬  
里疑平吞秋天一鷄稱正平人物南川龐士元莫詠豪梁好風  
月當知猿臂出吾門

閩僧饋紅糟炒笋

食飽舐指老更深飢腸南北常敬釜曾作閩山對岸谷客海舶

供者常相尋一路埃塵春几換軍糧裂腦愁舉按淮陵巨海不  
多程多情誰殺能鳴雁道人雅好逾千金短漬茁味羞春林呼  
見績飯不知飽未徹已到閩山陰孤風冷石常齒：不忘南音  
似君子寂寞相求義逾高豈特今朝共隣里

胡希聖在毘陵有詩私送北過山陽復以其韻送之

寒雲四塞客日短一壺臍裂洪疇中君家大父我父黨覓句聊  
復相過從和香索料多甲剪幽蘭几弄理孤桐尔來行李偶南  
北幽：不見雲間峯登山臨水不無思獨笑往：捫長松蓬門  
春晚燕語好書幌迤邐來清風巨府帶垢一洗盡萬里古色開  
愁胸輞川何在廣文死比比孺子誇有功楚人僅免二日哭却



嗟白璧埋蒿蓬逡巡取酒叙契濶百川赴吸驚長虹風流未愧  
正始後論落丘范評無鍾君才有用豈特尔我亦相將成老翁  
騏驎得路即千里會看拭目天邊鴻

登鶴雀樓

大河南奔山北走臍裂天涯懶回首撞鐘擊鼓醉橫參恃險英  
雄骨已朽歲暮風烟尤可悲功名白髮不相期重来好是當晴  
日應有鷄群翡翠見

送鄭彥莊

酌君白玉杯送君正黃梅長安風沙昧昧人眼君行暫詣黃金  
臺劇辛已老樂毅去荆棘平地多龍媒九重深沉四海遠快便

誰許叅雲雷黃金臺高不易上并州雄節幾塵埃當時勲業皎  
白日餘風表表皆雄才龍睛豕腹寔異相肝膈上下羅瓊瑰丹  
青萬物大門壻妙論尔汝無嫌猜同時舒卷一門盛將見裂火  
生寒灰十年卑飛不足歎青雲自此亨途開我暫追隨極天末  
有酒取醉長追陪離亭雨足綠蔽眼健帆危挂寒風催黃金臺  
不知幾千尺勸君宰衣直上首莫回時和歲豐亦足被君賜  
須遠道青山隈

晚步汴堤始見春色次夜與蔡彥規鄭希仁同飲進奏  
官舍

味日行河堤柳色綠如掃只疑晚烟罩寒林細看始知春已到



春來本不與我期病中蹉却春來時塵埃雨過風不起但見紅  
紫吐々陵高枝年々見春隨分喜今年見春略無意泊然相遇  
等幻化况是客愁如夢裏前年隨春入都門去年探春海上村  
今年作客還到此萬里漂浮誰與論故人邂逅羅酒樽白髮相  
逢情更親身世崎嶇有底急終日裂臍如喘雲倚門幾夜環連  
夢勃窣稚子行逡巡扁舟早晚東南奔車馬紛紛愁殺人

送俞叔通歸四明

終軍棄關繻李斯逐黃犬功名事業自有時咄嗟所得亦蹇淺  
雷奔電掣千里雨魚變為龍如掌反侯羸抱閨誰復論公子感  
之在一言擔簦履履遍列國平揖相印須臾間黃中不死魏齊

困口中舌在天應旋莫嘆髀肉消休悲釜生魚揮斥八極神不  
變秦人豈識照乘珠氣吁虹蜺亘天地有時一笑海可枯泰山  
排雲天下小紛紛何足論賢愚得君本如此君知我無殊幾年  
飛鳴共搶榆長慙瓦礫叅璫璫都城踰月同朝晡蹙然別我還  
舊廬引君一杯酒洗君衣上塵我歌雖促非酸辛未忍祝別惟  
加飧直教採取虎穴子西來射策黃金門

次韵孔經甫題剡縣史氏競秀堂

天姥迤邐沃州緊萬壑千岩相汲引崢嶸不知盡何如撐突雲  
烟隨望隕來蹲去伏搏虎豹上圓下妥蒸芝菌溪流縈紆湛寒  
玉飛泉滴瀝調冰軫天造神藏發有時眼力收羅一朝盡連甍



接桶揀星斗檻欄分明噓老蜃薄遊曾向畫圖見幾欲微吟寫  
秋蚓登臨更想新醅熟紫蕨堆盤參竹笋排坐歌呼未謫仙落  
筆篇章陵醉尸晴春雪霽夜月滿此樂誰能計哇畛到者如行  
避世村回首紛々只堪哂因君歸興不自持安得陵風跨蒼隼  
兼江祥瑛上人能書自曰為未工又能詩而求予詩甚  
勤予以為非所當病也為賦一首勉之使進于道云

得句如得仙悟筆如悟禪彈丸流轉即輕舉龍蛇飛動真超然  
祥瑛迺醉我顧慙道玄戲將字畫當杖拂與子憑軾相周旋筆  
苦運矛稍手如致禪偏眼能援桴鼓心為制中權棄捐尺度廢  
繩削似曲還直非方圓適當庖丁善刀後但見滿紙銀鈎連心

眼手筆俱不用擬向底處觀其全思量不可到此地無中邊政

似觀瀾亭上夜深後滿空白月孤光懸祥瑛侍者書置之魯直

嘗博觀義猷顏柳遺蹟也右軍帖家家有之然後世遂不復有  
右軍至近世人書下手便欲逼真古今相絕如此瑛其勉旃

姑溪居士後集卷一終



姑溪居士後集卷二目錄

古詩  
七言

次韵王性之見寄佳句

唐公兄惠頌海上既行輒有詩奉送

阮公嘯臺次韵

王為道東軒梅花小桃相次美色置酒見邀既醉留名

壁間

次韵參寥杜孝錫

送李仲益及第

為道見還詩因次其韵



送陳堂中及第歸洪州

古東門行

春日同梁十四醺李公昭朝霞閣

贈張隱人

飲散留別希仲

姑溪居士後集卷二目錄

姑溪居士後集卷二

趙群李之儀端叔

古詩

次韻王性之見寄佳句

文質相乘徒野史拔山寨海終軍死早時妄作不朽計撥拾餘  
疏自網紀跳梁缺梵固無有白首何堪墮牛李冥行觸柱猶欲  
前布襪青鞋從茲始春風曾頭問時魚莫兩洲中吟白芷爾來  
蹭蹬十二年尚向牛角驚鬪蟻亭日沒見初月死是角巾逢  
綺里萬頃烟波渺天末千丈霜松騰澗底幾從窈窕泛斗槎終  
愧婆婆參珮藥晚來鵲話頗不凡俄報翩航一葦元龍豪氣



不少除臥樓超然遽思起問途直指三峯去盤馬樓前萬人喜  
亟發健句壓欲倒似不見容已無齒便期脫帽漉風腴豫宿寒  
春絮雲子定應一笑非等閑更想筆端如瀉水

唐公兄惠顧海上既行輒有詩奉送

憶昨扁舟下京口六月江頭浪如吼一笑還尋浮玉叟山半飛  
雲似招手月明上船縈宿酒倒滴沈星疑犯斗夜深歸夢徹東  
吳覺來落月穿疎牖山僧留連強終日黃昏啼鳥凌風疾玉骨  
蕭森病枕餘一語才交復相失先生高節如古人薄官淹回行  
路塵海城寄食不自得暫喜持盃同探春：風花草來跋：微  
紅淡綠意旋新相從白髮情未壓底事促別聲悲辛淮陵欲到

嗟無因想見蔓草縈龍鱗浦光亭南拍隄水冉冉落日低孤坟  
到時春色應已遲滿樹黃鸝初轉時憑將一曲原頭淚為洒南  
坟松樹枝

阮公嘯臺次韵辛正叙

有口莫飲益泉水有手莫探驪龍珠秋風冷落千古意追風絕  
足誰能拘白雲青山避世樂擊鼓撞鐘廊廟居等閑舒卷四海  
為之動豈憚一一從吹竽君看事事絕天險阿房宮在空荒墟  
野人不識帝者貴直欲炙背同向茅簷隅由來土苴謾優劣疊  
疊傳習隨有無當時一嘯亦偶尔至今登覽煩嗟歎吾人妙質  
素所畏感嘆陳迹追盈虛涇渭濁固可辨未應到海君能殊



王為道東軒梅花小桃相次弄色置酒見邀出琉璃盆  
浸花貯酒半移即花既醉留名壁間

搔髮滿爪垢撲衣滿襟塵百年信幾時吾生苦紛紜黃河源從  
天上流忽然河底為沙丘張良身不滿三尺從使沛公君列侯  
淮陰小見亦何者俛首無辭出胯下晨炊蓐食為得計一飯千  
金豈無價相君之背貴莫言前趨鼎鑊何等閑使為故主已梟  
首奏事猶如冕旒前軹深井里有是姐哀歌壯士不復還伯樂  
相馬只相骨咄咄常情迷賈鞭春來萬事不欲語惟願沽酒不  
著錢大鑄長杓酌還引日日如此過百年相家新有檢正官謂  
我落鬼早見憐東軒小桃間梅蕊清香秀色能相先不將貴勢

略雅舊脫巾取酒容流連琉璃盆深花透過愛花移向花邊坐  
坐時時飄蕊落盆中冉冉天仙空裏墮醉後草書疑有神墻間  
怒角挈飛雲掃禿千毫興未已惆悵粉壁何時新盆空不記上  
馬去曉來但見衣巾汚古人名節堆故紙多少沉埋不知數明  
朝花落須臾莫遣高門無入路

次韵參寥杜孝錫

君不見深山窮谷千丈潭懸崖絕壁倒挂松雷霆雨電有時一  
洒遍八極繁霜雪霽能邀夜月來高窮又不見江頭龜手并滌  
統裂地得侯終有逢長安大雪幾千尺高臥不愧衣玲瓏揖人  
而相若反掌燈登天有路非難通天之可上勢或便得相乃在



須臾中朝冠貂蟬暮微纏曲肱何在三千鐘方東遽北安足究  
豈異海舶隨狂風舞雩而詠吾與口坐中客滿誰知融屹屹社  
夫子靈芝翳深叢百年轉盼皆腐朽且將逸駕聊與同我慙圭  
觚刺人眼空向霜天望飛鴻

送李仲益及第調濠州司戶還錢塘

憶昨西湖弄烟月玉面少年搔紺髮六月正午斷人行坐上無  
風不覺熱長安塵沙五月尾汗透纖絺背懸水相逢愴怳秋已  
深冰骨令人冷如洗吾家謫仙應已朽采石風流誰可後却恐  
騎鯨下紫霄斯人豈是人間有春風標名冠禮部睥睨英豪皆  
培塿三月飛花試集英筆下光芒射牛斗共說唱名須第一人

事天時良可畢大任先當益未能何謂楊雄老終喫滄溟洶湧  
百怪見鯨鬣蚪鬣豈難辨莫謂早飛遽自陵作成是將軍願  
集賢學士文章舊平日追隨今太守到日應須倒屣迎還聞下  
榻南昌秀濠上觀魚魚正躍携手何人知此樂妙處期君向上  
求可笑蝸牛爭兩角

為道見還詩因次其韻兼簡孝錫

反衣狐裘矜綠裏月落宵行易淪委崎嶇身世等秋蓬皎皎吾  
心浚如水青雲有路誰引目肯學荒疎輟洗髓經營一飽困南  
北未易功名輸故紙尔来投迹間諸彥白雪每容參下里何殊  
溺者得尺素聊謝箕翁徒洗耳大官供庖事鉛槧時引古人同



淨几枉老王即持我賢華袞相先慙溢美清風冷落勞悵望誰  
謂雲間見黃綺因收倦緒聊紡織半是棄餘安足喜一片蕭韶  
送下天遊遍華胥如喚起從此脩途可問津豈復龍頭却蛇尾

送陳瑩中及第歸洪州

七月江南秋已到江水如天魚尾掉處處團橘欲黃時家家門  
前艤歸掉西山佳徹青雲潘郎門巷如深春陳家有見新及第  
就着恩袍歸拜親為報行人洗眼看養兒如此誰不羨願見不  
要重科第事業功名他日貴

古東門行

元鼎元年東有兵未央催班不待明龍驤虎步擁旄出蟻蟻部

曲隨鳴鉦三千珠履皆上客囊中有錐誰為發莫歌雉兔眼迷  
離長城可倚知在誰千羊不如一狐腋草底寒蟲謾啾唧兩口  
四目未必智天下奇才余星墜舟中指可掬冀北馬群空添身  
吞炭為國士射足接處謀已同義感丹誠虹貫日壇上成功方  
頃刻縱有明珠千丈長安能保得頭長黑

春日同梁十四醺李公昭朝霞閣侍見舞梁州曲徹客  
有呂潤羅為贈公昭命玉杯滿酌酬之又呂金鐘邀見  
相屬既醺出烏絲欄索詩

都城春風吹落花都城九陌無塵沙貂裘公子醺何處闌干百  
尺陵朝霞鳳箏新調玉指軟黃金捍撥當宵遮紫檀屢碎翻成



拍紅茸瑱襯鷓頭襪回旋誰許綵雲輕欲斷還催猶未徹新鶯  
弄雛乳燕飛一曲涼州春日遲百足纏頭隨玉盃啞一闌爭  
扶持公子笑不已下客惟正濃更邀姪姪持金鐘一釂直欲滄  
溟空從他海若在平地明珠墮淚愁蛟龍珊瑚突兀撐高峯便  
疑巴姬御來風月漸滿銀河低歸路促街鼓稀何時再到紅茸  
地更倩游絲惹住衣

此篇與前集白鈐轄席上聽琵琶歌數句略同姑兩存之

盧泉之水次韵晁堯民贈張隱人

盧泉之水名河長裂臍不到空莽蒼讀君詩句心已涼便覺滿  
耳清浪浪彼方逐臭如窈香肝膈飽神鷹揚有客飭水衣朝陽  
睥睨不語中何傷過從德君想更樂直欲造化窮微茫何當相

從老此水桀跖夷齊均是死

飲散留別希仲自江州倅罷歸壁間掛廬山圖約為象  
戲終席不果又約明日而終徹余遂行

密雨着地三四尺班駁雲開日已西坐來指點經行處問我何  
年別虎溪十分酒到一舉盡笑我強飲如登梯燈火熒々夜未  
艾回首但覺城眉低今朝未食先破趙明日憑熊欲下齊門外  
馬嘶獨未起據鞍總許趨鷄啼



姑溪居士後集卷二終

姑溪居士後集卷三目錄

古詩

和張文潛喜東坡過嶺

合流遇潘子真出斯文相示因置酒子真萬九門人

然須寄傅子淵

送保定錢弼達

得理老莊僧書所報周悉且速東歸既愧其勤因述書  
語為謝仍約官滿就見

內侍劉有方畜名畫東坡館北客都亭既作詩以相示  
時欲和而偶未暇今閱集得詩遂次其韻以申前志



常愛東坡去年花落在徐州云云二詩因即其韵聊寄

目前

初夜有雨意欲曉風大作

送慕容若提

再次韵并寄寧州孫子發

喜雨用前韻

謝慕容若提惠橋皮湯

謝傅子淵惠藟醋

築城詞效張籍體

寄耀州畢九

壁間所掛山水圖

送郎祖仁罷九江稅省親仙源

姑溪居士後集卷三目錄



姑溪居士後集卷三

趙郡李之儀端叔

古詩七言

和張文潛喜東坡過嶺

紛紛擾擾何為哉  
一身之餘皆儻來  
當前荆棘誰所樹  
到了醯酸蚋方聚  
公歸斯文乃有主  
公去妖淫幾人誤  
狐狸罷嗥蛟龍  
象戶外何嫌常滿屨

合流遇潘子真出斯文相示因置酒子真黃九門人

山谷老子久不見  
豫章詩人何許來  
章江未覺清徹骨  
西山一帶寒烟開  
文章明鏡現諸相  
句律蟄戶驚春雷  
紅爐勸坐且一



醉為我更賦揚州梅

撫須寄傅子淵

一日幾回撚白鬚我本于世非葭芋奈何寸沫長自濡起倒不  
供須人扶眼前擾々嘈笙等況于得失隨有無鼠壤狼藉多棄  
餘史雲空悲釜生魚抓搔世垢清肌膚愈下愈拙真挈壺愛極  
并愛屋上烏古詩有之今輒如不願百赤膝龜蚌不願去為在  
淫鳧只願卒歲眼長淤百無所見常踟躕出門適埴尋君居萬  
里付於千里駒

送保定錢弼達且約相見後行

平生不願與物迕所向未始值坑谷濁斯濯足清濁纓世間此  
理固纖曲朱顏見君一笑可兩眼照人光煜煜深不可犯毫  
髮遲暮已許同松竹去年相逢儼如昨歎我何殊侵曉燭哀殘  
壯盛等復虛且可清樽對殺菽軍興百邑不可與期縱橫猶  
沸粥念君去替無几日頗復驅馳隨檢束君方撫掌笑我迂物  
理循環同一局有來則受去莫追忍看紛紛自魚肉我愧君言  
但首肯明朝君去追奔軸臨行春色已無有免強歌呼迹紅綠  
思君不見一長吁忽得書來親愈篤約我歸來叙離別滿紙抑  
揚疑諭蜀豈知重門鎖白日迹雖伏樞心麋鹿寄聲少作句浹  
計莫便雲間叅去鵠乖離會合杳難量君能規規如世俗  
得璉老莊僧書所報周息且速東歸既愧其勤因述書



語為謝仍約官滿就見

故人書報新種畦東皋豆麥稻水西更添庄屋成兩脫築出湧  
路排沙泥柳揀千本竹萬箇雞豚母子群相攜又倚前岡闢場  
圃更下南泊未鳧鷖兩年課役已似此數歲漸可如山溪吾師  
報地適我與胷中瑩澈真琉璃一錢不敢力為盡只得一飯仍  
鷄棲我慙泊沒落陷窅眼前差路知幾蹊細懷吾邦歸未得書  
來未讀先酸悽本無去來強繫縛亦非顛倒隨傾擠萬眾過眼  
即他物列鼎既飽均朝齏明年定作一村老非施委曲誰刀圭  
內侍劉有方畜名畫乃內號國夫人夜游圖最為絕筆  
東坡館北客都亭驛有方敢跋其後既作詩以相示時

欲和而偶未暇今閱集得詩遂次其韵以申前志

天街雨過花滿窓萬人壁立驚游龍飄飄衣袂欲仙去寶鞭遙  
指蓬萊宮真人睡起春纔柳誰春琵琶最先手合催堂裡謝使  
人暗香猶帶天階塵宛然相對若可語筆墨頓失當時痕開眼  
成今合眼古回頭自有來時路長風破浪真快哉快處須防倒  
騎虎

常愛東坡去年花落  
在徐州對月酣歌美清夜  
今夜黃州見落花  
小院閉門風露下  
二詩因即其韵聊寄目前  
老來不慣離家久  
獨臥一床今八夜  
孤搔十爪垢已滿  
降伏千魔心未下  
熒々病眼日更昏  
皎々孤懷誰與瀉  
恨無鸞帳與睡



俱獨有節枝伴身亞華嚴性海偶深味梵率陀天聊復借平生  
好書陋顏柳近日作詩几沈謝百年旅夢行將覺萬里家園猶  
未舍妄緣儻或未嘗膽佳境安得如食蔗從來少味燕偏知早  
已忘機鼠休怕行當遂作重屏圖闌葺凡村任訛罵世圖白老謂之重屏

圖

良霄明月為誰好記得初來正今夜城頭火客喏不斷花上鶴  
棲驚欲下更深未覺單衣怯風細只疑清露瀉漂流南北心已  
老綿歷間閔身自亞傷心黃卷不相契過眼青春難更借那知  
交臂輒深局驟學問因誰與謝衆書香邈隔重嶺客飯酸醎真  
傳舍慙懃兒女置雙鯉璀璨殺蔬勝木蔗定知何日遂能歸却

憶今朝真可怕解衣就枕已多三喘吐多言翻自罵

初夜有雨意欲曉風大作

昨夜雲深疑有雨五更還作掃雲風我于此地雖無責傷時失  
事心則同起來悵望一吁歎又覺烈日侵塔紅隔牆鼓吹去何  
許入戶哀怨號無蹤尋花戀藥甬自樂啼夫哭子情無窮平生  
感慨垂老別異時獨與新豐翁迺來眼力不解事彷彿推墮此  
境中天公豈肯違一物尔且莫嘆杼柚空無心致禱：必應會  
見一兩半年豐

送慕容若提公幹環慶邠寧

四月邊城氣如煮問龍乞水將致雨起我獨有泛蓮人相與投



誠香一縷腹枵不擬謝僧疏愁對焦枯無告語君時捧檄不我  
捨意欲同分神所怒此誠未契我輒罷想望終疑隔烟霧一朝  
報我檄難留明日清晨離此去我慙君住本為我君行我乃不  
得祖固知身世不相期戚戚安能効見女君還我亦脫羶鎖聞  
道荆醅如潑乳使君况是我輩人便約臨高目東注經由第一  
莫遲回尤物須知元有主

謂楊子直

再次韻并寄寧州孫子發

顧我從來奈烹煮况復顛風并怪雨出門未必趁鴻鵠閉門何  
曾下絲縷比來重作坐禪僧日與虛空相晤語初非小智肯自  
私終謂大國不可怒倦途傾蓋得吾人獨喜山行逢豹霧僅愧

衣融累歲留猶勝投閣經宿去東州勝事久欲講老滕元將效

懷祖

初欲到  
接小見

豈知敏手驟輸君使君方詠羅敷女願持一笑

作先容試覺醞醕分酪乳寧州別乘吾所畏屹然萬弩不得注  
寄聲到眼不須論畢竟生涯誰是主

喜雨用前韻

凋瘵疴殘不勝煮欲救鑊湯須是雨天公愛人甚赤子忍將性  
命輕毛縷使君屹起石門城歸路壺漿喧笑語定知此雨必隨  
來何用與龍爭喜怒初疑默：洒醞醕漸次濛：縈瑞霧一滴  
入地須一尺萬室焦枯如洗去我慙無力助精虔獨致微誠祈  
佛祖深局不得陪賀燕坐跋歌姝參舞女近傳一斛出六斗盞



面浮蛆泛牛乳煩君說與猿臂翁留得滂沱猛如注醉中寄我  
慶豐謠想見今朝賓與主

謝慕容若提惠橘皮湯用前韵

有幻色身同一煮誰振楊枝洒甘雨一息不御百虐随邪正交  
差窮脉縷昔人有術我得早自約初到必與語日來静坐不能  
遣痞隘忽作河豚怒腹腸迤邐吼雷霆嘔啞續紛雜珠霧吾僚  
恩勤謾馳告果為新留陳輒去君臣辨正叅苦良物之經營本  
農祖一杯狼藉走彭三再吸逡巡去魔女恍疑身在清涼國無  
異金堂逢石乳便當羸入經驗法何用切切增補注多慙世語  
必見臨不會作客勞煩主

謝傅子淵惠壘醋

一罌激灑香馥郁刻意傳來敵珠玉畫屏當祥世俗珍獨喜小  
甲随宜粟老翁病起踈七箸頓覺加餐不勞

喜輿頗訝併日食庖有力疲憂漸續舌根有相未須遮定應雙  
笋没春芽只愁此法不能錄啼去尋思空自嗟天酥辟易醍醐  
且從梁處為生涯他人若問真消息請向原州覓傳家

築城詞劾張籍體

齊眉去朝天回一聲號千聲催土勻纔布一搏許試錐只恐錐  
鋒催萬仞連雲截川路胡騎回還不敢覷但云本是漢家地如  
此携家渡河去渡河去莫回頭漢家人人要首級渭州門外籤



爾嘆

寄耀州畢九

造物于我終何功  
萬形宇宙一粟同  
由粟而形則可物  
自形而我如飄風  
我初與子未束髮  
長我一歲今皆翁  
間閱世故憂愁集  
悔不相向但盲聾  
迹來夢寐六噩無  
異舩鼓槳蓼蓬場  
作戲固聊爾隨緣  
應責疇能充邊城  
氛埃蔽天赤春物  
豈暇尋青紅頗知  
別乘甚相得共玩  
雙翠臨雕籠酒闌  
起舞屢脫帽笑指  
落月如懸銅何當  
容我作鼎足未易  
歸馬催匆匆

壁間所掛山水圖

老驥無能空在閑  
首肯既飽思行山  
誰知尺幅分向背  
恍如百里隨躋攀  
雲烟濛濛心共遠  
草樹陰陰日將晚  
一聲幽鳥隔前溪  
萬古回春來疊嶂  
涼風彷彿飛清霜  
奉身九折思王陽  
嗟我胡為不自愛  
逐物顛倒輕餘光  
瓜蘿活計知何日  
相對無言搔短髮  
芒鞋竹杖清自在  
皎皎吾心真匪石

送郎祖仁罷九江稅省親仙源

石磴縈紆行一髮  
下見滄溟湧初月  
不應佳氣無所歸  
十載聲名藹吳越  
香爐峯下新鮮官  
疋馬又過桑麻間  
知有秦人篆字  
否不妨高處小乾坤

姑溪居士後集卷三終



姑溪居士後集卷四目錄

古詩

四時詞擬東坡舊韻四首

次韻東坡所畫郭功甫家壁竹木怪石詩

答吳子友見寄昔與子友同書局以此韻往來夫人十

二篇今子友仍用元韻遂復次之各十三篇矣

答成都侍其純父用其韻

蘇子瞻因膠西趙明叔賦薄酒杜孝錫晁堯民黃魯

直從而作孝錫復以屬子意則同也聊以廣之

遇雨飲臨穎何希仲家蒙督詩即席為贈



正旦日大雪過秀州城外聞樂裊踏歌打鼓  
聞傳子淵求冷淘醋

雨中自瓜步謁寶覺遂約遊黃社寶覺遽有儀真之行  
雨後獨往夜分方到泥滑路歟乘步相半

金山寄懷秦太虛用建除體

毗陵西城樓感懷

秦太虛寄書云想君在毗陵廣坐中白眼望青天也因  
錄此語為寄兼簡諸君

維揚為會張曼老陳瑩中分柳韻得柳字

姑溪居士後集卷四目錄

姑溪居士後集卷四

趙郡李之儀端叔

古詩七言

四時詞擬徐陵用今体次東坡舊韻

春

紅綠枝頭自開落薄日低雲天一幕可堪因緒尚眠蠢未擬同  
心催破萼寶環半脫畏侵肌百刻縈香竟屬誰旋製稱衣宮樣  
窄慵看架上去年衣

夏

蜀葵易過紅榴永鱗：瑩角波紋冷水光汗透玉枕涼扇影風



深院靜無言一向几回顰品盡么絃竟不勻空被梁間偷眼  
燕黃蜂元是竊香人

秋

畫圖展盡瀟湘綠窈窕新詞寫啼竹薄衾笑拂又經年已報莎  
雞入重屋漸施簾幙作深局時看明河步廣庭旋索羅衣防露  
下隔牆聞叫侍兒聲

冬

休願車輪生四角莫向金樽嫌酒薄門外風號鴈陣低擁衾同  
看殘燈落轆轤敲凍驚棲鷓睡紅笑引燕脂霞未擬雕籠問鸚  
鵡先投宿酒敵霜花

次韵東坡所畫郭功甫家壁竹木怪石詩

大枝憑陵力爭出小幹縈紆穿瘦石一盃未釀筆已濡此理分  
明來面壁我嘗傍觀不見畫只見佛祖遭呵罵人知見畫不見  
人紛紛豈是知公者汗流几案慘無光忽然到眼如鋒鋟急將  
兩耳掩隻手河海振動雷電吼

答吳子友見寄昔與子友同書局以此韻往來夫人十  
二篇今子友仍用元韵遂復次之各十三篇矣

憶昔攘題雜梁棟懷璧握珠容抱甕大宛天馬本不羈撒耳轉  
駒援就控撈蝦模蟹力易盡搏虎擒蛟殺方痛君時正射晁董  
策直把黃金變鉛汞顧我哀遲特相子許我過比儀韶鳳回頭



已數六端午几向夢中自占夢尔來欲迷陷膚記豈謂書詞情  
愈重琅琅楚虞奏未缺杳杳燕鴻目頻送壯君已赴宣室召老  
耒未棄螟螟動詩成新月半侵簾更聽樓頭角初弄

答成都侍其純父用其韵

鹿頭關下花深處竹馬曾尋綵衣路雖知梨粟是生涯人道風  
烟如鄴杜四十年來若斷橋問津無計冷瀟灑一聞此語心先  
醉似向江邊笋自燒羨君材器森諸有寶帶垂腰今一叟未說  
常開壇上旗且須再遣雲中守從來別駕不謀身欲作蛾眉會  
裡人本是文殊親接引定應見處必逢君

蘇子瞻因膠西趙明叔賦薄酒杜孝錫晁堯氏黃魯

直從而有作孝錫復以屬予意則同也聊以廣之

薄酒勝茶湯剗麝臍為有香斷尾山雞避文章直木先伐甘  
井竭誰將列鼎移黃梁揚雄草玄反嘲白交藥寧非井丹食却  
念牛衣兒女心王郎漫致回天力五湖歸去弄煙月仗劍成名  
空玉雪飲薄酒醉後紛紛示何有

莫厭薄酒薄莫惡醜婦醜君不見王尋百萬驅虎豹千兵掃蕩  
同拉朽又不見高堂笙歌午夜飲明日哭聲喧正寢莫厭薄酒  
薄到頭一醉亦足樂莫惡醜婦醜携子弄孫同白首高飛遠走  
固亦樂莫抹眼前忘時後

過雨飲臨穎何希仲家蒙督詩即席為贈



君不見張子房素書未授祇遊俠又不見蕭望之不能碌碌反  
抱關漢業已成赤松去殺吾賢傳終感嘆乘時致用固不免要  
須繒繳無由攀八十釣渭濱揮旄仗鉞興難艱臂鷹上蔡市復  
得不可空多言周傾秦得漢亦起虎噬鯨吞羝觸藩一興一廢  
竟誰有要之有數歸元元元元亦何為與君論子細須將劇孟  
作敵國未信葉公真勇士竊借聲名人自歎白公梟首方為是  
乾旋坤轉只等閑收放僅在毫端耳何即目如電奔鬣見童驚  
眼光在酒裏一飲黃河傾不作么麼貴公子橫行欲得十萬兵  
吾語何郎少卑之犀有角兮麝有臍果知有累不早計抑揚畢  
竟何所之滿酌勸君飲吾語無文章鞭笞六龍駕扶桑上朝元

君陪紫皇霞衣玉簡鬚如霜俯仰八極何茫茫方時與君俱此  
舉如何煩君暨起舞徹聽我歌我歌端為我輩作蠢蠢方類  
隨江河肯同見女戰蝸角酒酣兩淚渾滂沱

正旦日大雪過秀州城外聞樂裊踏歌打鼓

歲除夜雪一寸許便覺新年喜氣多大觀元年第一日一番勝  
事信可歌之不已鼓聲起漫壟連村如市裡更願雪深一尺餘  
收了去年三尺水

聞傅子淵求冷淘醋

君不見東林木魚催萬指巾鉢紛似流水銀絲百遍連夜具  
大斛行釐如酒醴又不見親賢宅中午睡足花簇春羔銜紅綠



一窩隨看髮猶薨妖冶均調笑相續他日何人叅智海研乳磨  
薑搗椒薤便覺廬山落眼中誰為窮邊輒相會往還斷絕惟絨  
默暫遠葷羶味簷蔔親賢勝事不可尋且向箇中求一則

五言

雨中自瓜步謁寶覺遂約遊黃社寶覺遽有儀真之行  
雨後獨往夜分方到泥滑路歟乘步相半

夢寢東南遊金山居第一泊船瓜州口風雨繫黑日冒雨訪老  
胡脩然出羅華壁間十弟子云是王維筆生者今何在別有一  
丈室相期同過之佳思久披拂差池成獨往敢憚泥沒膝投鞭  
望橫參露重衣如濕方諸湛漏魄指頤盡纖悉目眩神為清壺

冰蕩肝膈疊々相問勞軟語皆中律頗怪不預知有似驚暴客  
權牙薦爐紅柔脆脩林茁老淚感陸生明盤皎霜橘木魚動曉  
堂永味固南畢百年驚枯槁平日膠在漆幅中行此時歲暮悲  
蟋蟀

金山寄懷秦太虛用建除體

建古求亡子寓意一何踈除道聲出師老將定胡盧滿座語更  
發誰是囊中珠平生不少貸鮮不相為迂定分固有未跛蟹叅  
乘駒執別纒几日春々瞻雲衢破碎物役尔此理若何如危步  
上傑觀疇昔相携扶成茲塵外趨感慨反不舒收我漏盡景課  
君種樹書開山一百里玉粒隨香筵閉口不復語早晚同歸與



毗陵西城樓感懷

平皋已春風昨夜猶繁霜倦客驚節物遊子思故鄉樓高白日  
促遠日空悲涼願言平生歡各在天一方遊遊不可從山川阻  
且長安得一樽酒呶呶共深堂孤懷昔蕭屑壯志猶激昂無階  
際玄護尚期夢池塘蒼鷹在千里怒鬣存三湘寒鴉似相求依  
依度斜陽

秦太君虛寄書云想君在毗陵廣坐中白眼望青天也

因錄此語為寄兼簡諸君

白眼望青天我乃厭多酒秦郎才語新高低秀蜀柳春風昨夜  
來傳書自江口固為愁水光物物慙我醜歸程無多日僧窓不

驚帚投懷二三子自許口不朽笑言忌有累醜筆來所有莫問  
夜如何為君專一斗

維揚會張曼老陳瑩中分柳韻得柳字

我生固有地物物皆可口身行半天下薦飽無不有讀書恨未  
博每索多掣肘一逢可意人似對鷗和柳老來益落莫永日類  
中酒北舟得二妙洗盡平生垢叅軍欲陵春記室寒掛斗雍容  
送落日百衲為斗藪崎嶇等外驚撇眼自妍醜真樂極胡越詎  
可論不朽昔人固欣慕僅欲操箕帚堂隍几千仞未易窺戶牖  
逡巡即千里轉盼百年久一笑且低回朱顏今皓首



姑溪居士後集卷四終

姑溪居士後集卷五目錄

古詩

賀李方叔得眉山玉堂賜馬公自書券云

次韵魯直留別

鮮于子駿用魯直見寄韵因以為謝

次韵子瞻古風詩二首

子瞻參寥太虛同遊惠山用王武陵竇郡朱宿三詩韵

各有所賦參寥錄以相示余將遊焉

用次其韵

再登斗野亭路舊韵寄太虛



秦太虛出魯直所寄詩因次其韻

次韵家室送別

和叅寥過敝廬留宿因見寄之韵為謝

送孫叔靜

次韵黃魯直游馬頰歸

次韵晁堯民黃魯直蘇子瞻同賦半餐字韵十往返而

不倦者

寄范七平涼有一優者頗相似每見即與從容聊遣吾  
思之不能已也

浴一首

第六郭將求詩久未暇今以寄之

送霸臺尉徐舜舉

姑溪居士後集卷五目錄



姑溪居士後集卷五

趙郡李之儀端叔

古詩七言

賀李方叔得眉山玉堂賜馬公自書券云

帝閑萬馬皆天寵一一盡是真龍種  
欲知志氣吞萬里駿意向人耳  
雙竦翰林下直出玉堂  
緘鞍寶轡聲琅琅傳呼一聲驚里  
閑新向庭中賜驕驕明年乞得東南守  
畫舸西河臥載酒免令此馬老  
江山故用贈君良獨厚憐君從來家  
苦貧坐令儒士喜意新自書券字甚  
雄偉作書遠報江河人翰林好士裴丞  
相知君亦負玉堂望願君寶此

下文闕



次韻魯直留別

魯直詩見前集卷首

南北二十年短褐足塵垢九仞未及泉竭心志地厚積翳開前  
山月在山之顏目斷兩黃鵠夢寐長躋攀我飯苦多噎見君遽  
出氣定有囊中藥痿人果知起枯槁洗朝露咀嚼玉壺冰蔓草  
豈自得香發須高陵辭舌真有味辨口空齒落頓悟孺子歌會  
當濯其濁允蹈固未見能言人亦難得微可齊語引置莊獄間  
大路平如掌仁者貴安宅直絃為君禪萬里尋尋尺何年紀消  
子相向猶木鷄肝肺已自鏤土苴非所知

鮮于子駿用魯直見寄韻因以為謝

雲間彼上人虜汗能見垢吐吐向風雅入國知溫厚別來仰高

山霜風刮衰顏新詩解人頤調古不可攀練練瑚璉姿森棟  
梁氣願學固有歸黯然由此起世味淡于蠟孤懷冷如水十年  
問歸路歌舞懷西陵歲晏感飄蓬老去委瓠落豈無杖頭錢斗  
酒不問濁尚平累愈重欲去亦良難安得廁木鴈才與不才間  
遇君本有地悵我將焉宅 邈家山一望几千尺何須驚墮  
葉會當鑿攘雞風來北窓下此况誰為知

次韻子瞻古風詩二首

無見晚讀書得之兩河場何待少陵詩閃閃已生光深山秀蘭  
芽無人方自香未央鎖千門可知曼修廊俯仰要自得犧樽浪  
青黃惡木熟亦陰盜泉渴須嘗果能奪固有利害置兩傍匪我



六匪人用托寧見傷 紅爐一勺水湧沸如雷聲德君戒終南  
為君歌采苓水盡焰仍裂崎嶇閱修齡由來外一重疇非君死  
生風物托茲生世異種聊並蒂榮謝等春秋何勞鷲多計春  
後世雄惟君有以似

子瞻參寥太虛同遊惠山用王武陵竇郡朱宿三詩韵  
各有所賦參寥錄相示余將遊烏用次其韵

曾為惠山客心已寄蒼茫知今几何時常在山間堂淹留情莫  
繫悵望身疑翔聯翩得秀句古殿送燈光耳冷徹孤韵神幽拂  
清香買舟行有期此興安能忘

三子骨已朽來者非一人簫聲起孤鳳抑按皆清新松陰貯老  
月蘚暈涵蒼磷崎嶇固有屬千載無纖塵物物吾已矣今昔均  
可旻何當事一塵顧水終為鄰

膏肓有前人老意繫叢樾差池紛鬢霜味蠟火已絕一吸風漱  
液幽思起復滅詎慚數及七緬予在明月踈更蹇修途景耿重  
激發冷然儻可御千古同一轍

再登斗野亭路旧韻寄太虛

北舟攬黃氏楚楚不自平故步聊低回新月微風清蛙聲語莫  
下泡湧浮修甍何在超世游翳路情難傾西堂夢不到春草还  
復生長年浸枯枿有時懷層城適從吳見炊又作淮人烹皇  
偏諸候吾人愧安行獨抱照乘姿花枝似相明拂衣歸待旦南



州逢顧榮

秦太虛出魯直所寄詩因次其韻

別子又春杪幽懷誰與謹  
返復事遠途繚繞如理綿  
家山雖入眼尚疑隔晨烟  
破悶得子詩鳴雞還到舫  
追隨日苦短容易悲長年  
猶能共一轍植足臨天旋  
下澤政有味萬戶自我捐  
唯有不捨心常如俯奔川

次韻家室送別

幾年保新阡託身斗一方  
間語得野人禾麥共登場  
遷踈儻可老持鬚時抑揚  
顧非馬上才猶懷袖中剛  
西風蕩微氣仰視明星光  
叩齒咏真主白眉誰最良  
師門守邊鑰表表南方強  
逋誅

百年寇敢謂莫我當  
牝雞久司晨群犬移當陽  
葷羶固難律誰可無宮商  
堂堂發天机右鉞左仗黃  
一旦會風雲果知籌策長  
洗滌盡餘滓萬翼爭回翔  
能無出囊穎反顧箕子傍  
平生慣草衣豈堪事戎行  
強歌出塞曲天矯叅龍章  
蠅因逸驥速馬為奏瑟  
昂尚期驚鼓操奮力起病  
床賀蘭奪故冗安西還  
旧彊婦上千萬壽重膺庶  
事康

和叅寥過敝廬留宿因見寄之韻為謝

及此仲春月頗欲謝遠步  
世味久已踈何憚魚生釜  
青除合廣除似失北門路  
端知雞在埭未媿豹隱霧  
飄蕭方外遊繾綣慰遲暮  
共待清光來軟語坐良樹  
呼風破炎蒸扣齒却忘慮  
逡巡



棲鳥驚不記衣上露臨分期屢未此樂復誰與

送孫叔靜

浮雲無定着乍合還分離廊開萬里天好是無雲時我懷苦蕭  
屑多感不自持奈何情所親容易成南飛秦人雖受寶睨柱誰  
瑕痼空能九賓賞終負連城婦此道固有命如君應未遲且從  
淮上游霜濃蟹螯肥載取一樽酒里門相扶携笑語欲難背古  
人良可期開編苦對面誰浪尤相宜皎皎澄漢月森森瓊樹枝  
燕地重郭隗吳兒輕陸机曉來猶薄露會見高風披

次韵黃魯直晁堯民游馬頰歸

洋洋引天津湍悍誰為寫謀藏袖所勞窮築限修野緬懷二三  
子感物寓土苴郊飲束貂裘指頰來其下霜風面欲黎踉蹌倚  
羸馬一笑等飛雲吾生竟何者

次韵晁堯民黃魯直蘇子瞻同賦半餐字韵十往返而  
不倦者

耿耿萬里心振衣常夜半明星當戶高仰首每自嘆是身固虛  
殆將等閑玩永懷一寸光有之詎能散南山富蕨薇采：寧待  
伴不媿郢中曲誰報青玉案千載北窓風鄭聲何可亂子職若  
崎嶇垢指寧與盥我慙老更拙欲和知良難但能襲餘塵未易  
窺重關踰年與君俱終此意少寬奈何捨我去鴻鵠隨蹇持岑  
樓起膚寸萬仞始一拳知君未易量願君更加餐親髮日益白



何吕為親惟吕義不吕時吾君正求賢只尺明光宮我我望君冠

寄范七平涼有一優者頗相侶每見即與從容聊遣吾思之不能已也 喜施朱常陋其過

吾友范君誼宛侶丘遲詩點綴花映草長鶯亂飛詠詩知吾人因人想其時不知胸中寬西域方鞭笞昔為守禦策堅壁不容錐今作進討計萬里入鼓鞶相從惜日短既別恨見遲雖無老成人彷彿頰頰兒每見挽輿語問我將何為我非濁子者我友寔侶之典刑不可見况復堂上竒邊城氣候晚四月猶夾衣青燈照冷坐素目披重帷孤懷苦蕭屑人事終難期何當命典

刑一笑相淋漓

浴

靜坐已十日聊復資一浴我髮不滿梳安得別置 浴暖連頭澆快哉如出谷我生本離垢妄念即桎梏外物強持扶何異雨中竹亦不無雨愧亦不有雨足森々自然往無榮亦無辱振衣步空庭又見黃梁熟進退莽何從晨羞詎宜緩叩齒感覓史虛心豈無貫乃知抱關者俯首固非懦烈日下嚴霜盪水沃熾炭物理自回旋何方即吾館年來老頓逼四月未覺煖勉力更無念已矣見此聚

第六郭將求詩久未暇今吕寄之



烏延一揮手歲月如奔流誰知頭半白重見須雙虬面冷龐一  
鉄氣雄吞九州門庭外雖設毫髮終無留此特可見者如君寔  
難求人固不易親而我獨見酌半年話疇昔論極非謬悠但云  
置是事可質為冥幽功名本何為入手如上鈎我每壯其言心  
肯屢回頭別來已七月悵望逾三秋近聞復來此只尺不相投  
元戎奉天討知與造化謀化城兩馳突直控咽與喉又斬萬餘  
級少快姑鬢休此鏡且就養彼生豈容偷君謂乃吾射含笑纏  
臂鞬今秋取天祁明年入興州遂復都護府再見萬里遊汾陽  
異世勲子政如綴旒未或便相襲且作仲升侯

送霸臺尉徐舜舉

霸臺古鷄 南北兩山間我來春未幾紅葉絕 班與君早相  
求携手問兩山折花飲清泉共此一日閑君才真健敏詩句如  
芝蘭娟好秀且靜馥郁若可餐

姑溪居士後集卷五終



姑溪居士後集卷六目錄

古詩

赦到後雨遂大作

端午睡起和韻

大雨

睡起

試郭底泉和韻

晚起和韻

讀淵明詩效其體十首

烏牙義禪師退居金陵予與之都城之舊能詩喜說脩



養年七十餘貌類三四十許人以詩道因次韵報之

五雲觀

崇壽宮梁昭明太子修行之地

喜客泉

撫掌泉

白鶴觀

九錫庵

華陽洞天

玉簫庵今名天聖庵

陶隱居書室

姑溪居士後集卷六目錄



姑溪居士後集卷六

趙郡李之儀端叔

古詩五言

赦到後雨遂大作

昨夜聞有赦今早遂得雨天澤隨君恩一灑遍寰宇彼玩尚逋  
誅吾土久未還皇廟寔神謀剪復笑談閑崢嶸若化城掃蕩如  
破竹開甲一百里得土千萬族不雨三四月隴畝猶燒畬禱祈  
畧無應居哭行嘆嗟豈知有此待城就師振旅上不輟板築下  
不妨野處秋種蓋未晚及此壯者歸懽呼各著業賣刀買耕牛  
犁山頭夜叱牛山下婦亦斲老稚功勞莫歸宿待我土盡墾俟



尔日有餘歸來笑相向共樂生無虞又聞故書中逋欠皆除免  
更放一年租其細及移變天公因愛我吾君豈違天乃知父子  
間事事必關連野人語可書使我喜不寐誰謂彼無知况欲迷  
向背我歌本民言未愧中興詩聞者足已戒可是轍趨時

端午睡起和韵

豈復記佳節飽食睡亭午雖不負此身倦聽亦良苦念初入此  
門只作十日數那知如忍炎倏尔到角叅本非來質秦盖異行  
怨楚端為城旦拘獨與縲絏語深玩偶未埋大鑊僅逃煮淨持  
諸願力妙地叩初祖會當縱奔鹿遂與搏猛虎蹇余愧平生何  
適非齟齬

大雨

向晚雲驟合雨點如車輪入夜勢轉暴對面語不分初疑坤軸  
裂漸覺河海翻傾注恣豪放瀉瀆莫吐吞平地忽五尺呼叫均  
四隣下堰上輒隙東塞西遽奔一身應百給坐臥不得申旦自  
秉鍤刀 意已昏念茲嗷：農拱手過一春入夏又将丰寸  
苗無宿根祈禱備衆伎杳：天九閻飢殍漫狼藉極目無烟村  
及此滂沛澤一洗瘡痍痕勞我敢有詞故喜氣已溫置酒會賓  
客耕轍翁語孫尔年非可期我責亦粗伸欲赴固踴躍感慨局  
重門

睡起



數目不吟唔已覺舌本強熟處自難忘是乃真苦相簾空睡起  
足物我兩俱喪舉頭見南山依旧禿相向解衣遶屋行未巾已  
跟蹌翻書試遮眼一抹如白浪目足身先所二者輒相抗生理  
從可知何用更惆悵獨有梁上燕憐我本癡蠢時：作好語侶  
欲致勸相見尔初啣泥生子已頑頑而我猶未歸茲事固難諒  
安用苦無霞無勞獨悽愴俯仰即陳跡未易煩度量一樽試有  
求傳來鵲盍如頃味毒酒酷猛醜投晚餉倦懷豈復有舌爛腹  
斗漲抱新救烈火自取將誰讓夜分方半生劣過逃屬續

試郭底泉和韵

午睡不覺久起坐獨捫腹眊矓相苦魔眩脅遂為族永懷建溪  
春偶甬得藏畜品第雖非貂猶勝狗尾續虛堂無纖塵百轉紛  
擊筑破碾頓愕貽屑紛隨輪蹙被褐而懷璧凡眼真褻瀆聊資  
定碗黑豈待無托綠久聞城西角有泉堪寒玉名因所居傳廉  
惠纔可僕殷勤持小罌甘瑩來一掬蟹眼方轉旋色芬味相芬  
馥迺來荆棘生未易梨栗熟一啜便超膝庾愁空萬斛

晚起和韵

今日起差晚持課幾到午飢飽雖難醫葷酒且入務脫粟快一  
飢白眼視寰宇固知等浮沉要在極纖縷眊目林鳩嗥舉頭梁  
燕乳我六盡輪回何必高下數緬懷故山中泉石漱深塢萬壑  
響松風千岩澄月露胡為不歸去乃與朱墨侶只記入門時未



有還家路我生詎應尔炳炳莫我頌彼心豈易同吾首莫易俯

讀淵明詩效其體十首

歲月忽云徂人事只如此胡不及此時斗酒勞隣里有田半荒  
燕有屋亦傾地強顏賓客後畢竟如何尔

淵明棄官歸議者見各別去就須有名豈獨為早褻折腰分當  
尔柴米豈無說舍彼而處此亦不苟自潔

扶疎草木長茲時豈無情未論身得去想像心已清童山久不  
雨湯熱氣鬱蒸遣懷一開卷便覺涼風生

操檄烏延府已復十五年當三十餘事隨精堅非惟會吳  
霧兼欲还幽燕誰知今白首獄吏輒差肩

晚來風稍回漸見布陰雲乘時得尺雨吾農寔難勤不願身邊  
地報施豈無因我雖不在事未能忘感欣

用舍繫臨時金玉與蒿萊塵埃混瓦礫燔燎參樽罍何云長典  
公陳迹 歸來一跌竟不起念之有餘哀

我聞瘴癘地去者無生還吾兄三十口歸來尽韵顏死生非人  
能得喪亦非天張毅與單豹要之皆偶然

朝從空擔出莫逐顏歸既謝爨無烟此外將何為堂堂十六  
年子孫反無依莫作如是見隨遇聊差池

吾亦愛吾廬此亦未為得死即痊路傍要是不免或随流認得  
性有念乃吾賊是吕方丈間千偈終一默



吾友傅子淵每見常熙熙人固莫我高我固不人低問其何因  
尔我盖不自知孰為第一義只此是菩提

烏牙義禪師退居金陵予與之都城之舊能詩喜說修  
養年七十餘貌類三四十許人呂詩道舊因次韵報之  
幻化如空花建立等修竹四海不離身一笑長滿掬相逢亦何  
有展轉猶所獨攀緣過九上圓頓擊一宿歲月屈身臂到此非  
問卜心清聞妙香老句俱三復何當會寔際超然發吾覆未尔  
且逡巡更待梨枣熟

五雲觀

五雲會中天衆山如朝宗相臣夙有約標神期此宮傍有洞天  
接面直積金峯常言五百間斯地将修崇廢興果冥符變化如  
雲龍緬懷祥符後天意固莫窮一言不可復此興猶未終知國  
如知葬尤難邀此翁

崇壽宮梁昭明太子修行之地

鴻喜已不凡崇壽氣尤古經始天監謀餘地力保大舉十圍人  
何在烏鵲尚如覩井泉翳荆棘像設半塵土視今猶視昔一笑  
纔仰俯有媿所坐峯安得參鶴羽

喜客泉

取迳輒林莽得地三尺餘名曰喜客泉客至如湧珠初驚一穗  
起逡巡周四隅酌之甘勝醞滄茗尤敷腴物理不可詰感歎常



躑躅千鳥知福地未易世眼拘

撫掌泉

泓渟宿寒藻正占山一曲平時常湛然撫掌珠可掬喜怒去千  
里氣類若相屬如何輒示異乃尔分遲速霜風鼓索籥巖樹響  
絲竹語出若有答路轉疑絕續幽尋力恨短博採日苦促便擬  
寄無餘捨策遂留宿

白鶴觀

白鶴不復見荒臺煨燼餘昔時三茅君鶴駕常相遇一歲許一  
會此地几其廬倏然自一境歷攬莫與俱兄弟兩羽人玉骨太  
古須燒丹云未暇彈琴聊自娛日貯駕鶴來寅緣叅玉虛身世

久已忘况復話里閣

九錫庵

強臣欲竊命九錫乃所僭奈何得道人亦復有此驗是非固不  
同等欲示其漸石地鑿龍跌宕載極該瞻漫減半可讀且是表  
龜監名存物何在遺製不少欠帝意豈無謂人事徒妄占何適  
非偶然隨遇始弛檐

華陽洞天

洞天名此山于此是第八東將秦嶽連西與岷峨軋磴道端可  
通足亦若相憂我欲踵其武苔徑特見滑屢試輒復却死似物  
所遏周行半天下是等三四閱有無終可疑雷同慙小黠退之



固頡頏桃源蓋強說卒謂武陵傳何殊眼着楔孔子亦獵較此  
理信難輟

玉簫庵今名天聖庵

白髮不我貸青山亦是情斧斤借羨力遂易當時名吹簫人可  
想有念應難平從茲定相忘那更隨戲成松門挿天半竹筵梳  
晶熒所期茅茨永丹碧雲願營含悽振落日拊事悲顏齡吾生  
儻與歸境粵滋光明

陶隱居書堂

山雲自往來人事久蕭索誰為挿小松記此常棲泊坡陀披淺  
麓窈窕帶遠壑著書方呻吟誰與會所樂鸞鳳耿莫追歲月儼  
如昨隱約玉簫聲憔悴金匱藥風來萬籟奏一笑竟難約尚友  
徒此心相期在廖廓

姑溪居士後集卷六



姑溪居士後集卷七日錄

古詩

比都文承制移竹贈初秀才堯民有詩因次其韻

離穎昌張聖行獨出城相送

夜投臨穎陸周仲館待甚悉

明日阻雪不得行蓋冬至前一日也

三家店主人勸飲

得常州感慈邗長老書求詩兼寄鄰老

寄何德固

燕子和韻



寶齋  
次韻方叔晚過湖上時積雨新霽夜色如晝傳聞余有  
興元之命

方叔并用前韻復繼之

句容澄上人群玉軒求詩

送忠禪者詣徑山請普覺住天寧萬壽新刹因服藥飲  
酒一盞

大暑不可逃偶僂數友過湖上清坐抵晚因詠老杜槐  
葉冷淘句凡十人以君王納涼晚此味六時須得須  
字

張聖行解官入京僚友餞別分韻勸酒得醇字

常州感慈邦老相遇甚款聊復申敘

子重相率遊任園

獨坐有懷張聖行王成伯偶讀摩詰詩因借其韻

久旱湫舍殆不可遣免一夕雷雨忽作



姑溪居士後集卷七

趙郡李之儀端叔

古詩五言

比都文承制移竹贈初秀才堯民有詩因次其韻

古人徧愛竹種不虛一席相將共忘年敢憚培且植君家占何方容易來秀色雜草出明軒儵然聳修碧剪稍畏風摧留葉期鳳食從茲來至之閉戶忘所適

增築貴堅厚枰繩避歌側朝灌暮復壓深虞枯易得勁節既能主百蠹遂為客風微吟踈簧日永齒屐客此况倘可期吾甘事潛默晉人知自完皎々良未息不校謝紛絃斯言愧安國



離穎昌張聖行獨出城相送

黃昏促征鞍別酒已沾醉風威危破臘雪意欲着地超然氣類  
人送我奄獨至懸知必如此恐終欲弗類平生昧歸宿恍若得  
所詣胡床十餘語彷彿京口例此言固近俳要之不無謂覺夢  
猶在馬解鞍定何地百年誰見宰一已乃許事繾綣見女情回  
首端自愧

夜投臨穎陸周仲館待甚悉

冥行眼忽明乃是到臨穎倦馬倚風嘶凍僕望門逞初非敢此  
期勢逼豈容傾是身雖無難從者固當省主人頗料理燈燭分  
烟燭熾炭解喋頤重惟護寒領招魂幾剪紙感惠非尚聚粲然  
一笑開那復嗟新梗我生且莫落隨遇輒自警轉盼已歸空區  
區徒畫餅

明日阻雪不得行蓋冬至前一日也

纔冬即欲雪醞釀非不久旅館黃昏風半夜忽如晝天公特謹  
戲不在我先後見女見期心只尺弗得就蚤酒良未已兀坐幾  
忍炙遂令相逢心感慨若奔湊紅爐慘無光短氣猶發餽况茲  
嚴報本供衛何所售風威果能神排斥勿宿留非獨寸草榮萬  
里同錦綉

三家店主人勸飲

早飲欲過午感此去路遙解衣酒家床主人喜相招遂出出館



訂勸我飲一瓢舉手謝慙慙宿醒猶未消報言雪滿野征轡相  
無聊何如酌酌去更可忘今朝年來頗解官徑欲隨所邀端愧  
五漿期未覺群心搖偷薄日益窘妙論輕鴻毛何當受一塵醉  
到同漁樵

得常州感慈邦長老書求詩兼寄鄰老

清晨得君書遠意來吳中開緘一見面頓覺百慮空書詞若蕭  
屑怪我情不通我豈逐物者君亦如冥鴻便當永相忘何計駟  
與驄聞君奮鈴槌喝下分華戎晚魚會千指一一麻中蓬朝叅  
月破牖暮請燈在籠坐令萬折異沛然俱向東緣契乃如此想  
見圭璧叢胡為特垂手千里尋龐公龐公無伎倆只這是家風  
復知多聞師亦在兜率宮人間最勝處何必顏如童會當謝朝  
謁爛熳游無窮

寄何德固

元豐初得君賜袍色可摘雍容戎馬間爽氣凌秀色十年不相  
逢領湏已有白京塵化人衣歲月動阻隔夏屋如深山排日許  
連席坐中多可人一笑每墮憤人皆指為誇我輩日所惜于今  
已三見爽氣若初得同言胡乃爾前至作嬌客邊城久不雨旱  
氣幾燂石俯仰數刻間只尺便南北寄聲不敢輒問訊莫我護  
但問深閉門鷓鴣坐較定力雙林舊家風龐老真消息莫作分別  
想認子却為賊開門會有日聊復鋤戈戟准擬詰朝見無或但



聖壁

燕子和韻

依々梁間燕終日密相對本不欲尔期何為尚此會得非緣所  
遭又恐意有在飛來復飛來好語如湍瀨我亦強維繫尔豈知  
向背萬事杳靄間一笑沉吟外玄妙第一義為尔除障礙卷廉  
見天下始信物有大

次韻方叔晚過湖上時積雨新霽夜色如晝傳聞余有

興元之命

醜水投過日佳思生襟裳緬懷江上笛相游共胡床星月弄疎  
明草木來遠香所得亦餉尔端能謝涼

方叔并用前韻復繼之

蕭然傲環堵信性懶衣裳布坐定何許井々書滿床我每不欲  
去鼻觀無盡香未始有寒暑彼哉自炎涼

句容澄上人群玉軒求詩

日日不離山愛山終不厭因地端有來及此若尚欠當軒出噴  
吼昏膜遽効斲枝撐簷楹窄明滅烟雲翬幽禽時一鳴隱約隔  
天塹早聞群玉峯世境未易占却應三昧力易致茲可驗便擬  
絕高深兩足恐不瞻幻化浪攀緣膠擾窘囊檻會須揖清風方  
暑對枕簟

送忠禪者詣徑山請普覺住天寧萬壽新刹



我初遊叢林得人如滿月細披雲霧間桂影若可掇旋 二十  
年相半分會別莫途喜可掬妙語等冰雪告我第一義光艷忽  
振發老魔俱辟易善類隨擊拂是真萬里足一舉安能輟徑山  
暫韜夜氣尤昭徹異時摩耶老薦藉意甚切子果識至人指  
頑石必裂出我連城珍郊廟冠前列無令剛足翁三獻文為拙  
因服藥飲酒一盞

東坡在黃州飲酒只飲濕我今又過之釀漿如薑汁平生不喜  
酒興來且莫繫長虹偶尔於因復投一吸入口舌欲脫下咽蟲  
爭泣燭：腹將裂宰：淚莫裛頑涎雜血唾心悸如鼓集聿尔  
無一事荆棘強自入主人固好士僚友亦素輯如何似見毒使

我臥復立彷徨日欲落稍寬困眼澁夢覺天未明齒頰猶習習  
是邦居不非奈此掩弗及昔聞禁酒國今見毒酒邑作酒寄一  
笑倦悶聊救急

大暑不可逃偶携數友過湖上清坐抵晚因詠老杜槐  
葉冷淘句凡十人以君王納涼晚此味六時須得須字  
百年觀不足一日樂有餘况茲夏日長而與君子俱號歎謝呼  
笑談論皆詩書門外方爍石坐上如水壺仰懷冥：鴻俯愧載  
戢魚我老百不堪嗜好終蒲葅殷勤相得心黃昏尚躊躇追隨  
自此始莫厭頻招呼何必得美酒然後可將須

張聖行解官入京僚友餞別分韵勸酒得醇字



密雪不着地朔風煖如春天公豈無心慰此東歸人吾人晚相  
投每見每更親踰年柏梁俱未覺旦暮頻欲識分淺深蕩蕩風  
中雲問其美如何表裏無溜磷深湛子雲默高廣太丘真汲汲  
惜日短奄茲奉離樽莫辭十分斟酒薄情則醇庶幾一奉盡涇  
渭從此分萬里自只尺百歲均埃塵行人定向遙他年期問津  
常州感慈邦老相遇甚款聊復申敘

十年不相見一見情愈親執手語半塞但覺頻沾巾別來事多  
矣未易只尺論感君冒雨歸知君意彌敦邀我過其廬燈火如  
春深金碧炫境界况然驚一新為我時置浴仍為加料殮止我  
未饑振我衣上塵何勞強剪紙已復收斷魂添爐接鄰坐軟  
語尤殷勤閱我憂患餘漂泊總此身勸我葬且居生死相與鄰  
清晨陟高座四眾如雲屯展轉叙契濶博辨河海翻句句不妄  
發信矣霸巖孫歲暮能幾何纏綿誰我溫非君美無度涇渭那  
更分相期在來日擊節徒諄諄

子重相率遊任園

踏雪入窈窕翁蔚如深春左右無佳色老綠不改新小榻茅茨  
下園翁叙慇懃主人謂此翁好事絕等倫養生惟養花種々皆  
躬親每到二三月爛熳如錦茵問翁何所有品目如何分翁云  
世間本搜採無遺根牡丹三萬株兼取洛興陳芍藥揚州來密  
密挽魚鱗雜花極目是浩不知涯津四序更代謝顏色常相因



我來適非時猶得聊逡巡約翁待花開許我論主賓

獨坐有懷張聖行王成伯偶讀摩詰詩因借其韻

老鶴志千里候蟲戒三秋此理定如何宛在水中洲我師南榮  
生去從知北游歲暮良鮮歡不知孤首丘寒燈伴岑寂河漢窓  
間流緬懷雙白壁路斷水悠悠摩詰頗解事好語供我求坐令  
不可遣奄然隨遇收歸呈只旦暮妙義思賡酬君謂我輩人吾  
匪斯人儔且將有限力相與窮深幽

久旱湫舍殆不可遣免一夕雷雨忽作

半夜一濯雨斷夢失炎蒸汗甑不復鼓蚊雷為之停逡巡萬竅  
號破窓風如傾絺帷強主宰庭砌已滿盈極護老稚奔嗔呼閭

里情但覺萬里帆浩蕩隨滄溟掠眼纔閃爍劈耳俄掀轟豈暇  
計飄溺且護嬰兒驚小休月在戶却視斗挂甕唧唧與啾唧次  
第先秋鳴粵從臆雪後旱魃苦自明焦枯病三農芽田不滋榮  
隴畝半折裂几席饒蠅蚩端若一大難旣焉猶宿醒點我讀書  
燈涼宵聊與征庶幾簡牘中暫寓蠻觸爭

姑溪居士後集卷七終







書